

Jongöreŋ Kimbi 2

Jonöŋ Kimbiŋi aliga 2 ahök.

Jim-asa-asari

Buŋa Kimbi kiangö tonji yaŋön nanŋi qetŋi “Jitŋememe kun,” qerök. Yaŋön kimbi mi “Wölböt ambi aka yaŋgö nahönböraturupŋi,” yeŋgöra alök. Keu tölapŋi mi urumelenŋ könagesö kungö söpsöp keuya. Nahönbörat mi könagesö aiga wölböt ambi mi yeŋgö galömŋina. Buŋa Kimbigö keu töröpŋi kiangön jöpaköm aŋgubingöra uru kungum neŋgimakza aka böhi takapulakaŋi yeŋön ambazip kusum eŋgigetka keuŋinan sehibapukö galöm meme keuya akza.

Buk kiangö bahöŋi bohonŋi 4 mi kewö:

Keu mutukŋi 1-3

Urukalem mi yuai bohonŋi 4-6

Keu goŋgoŋan sehibapukö galöm meme keu 7-11

Kimbigö keu kötŋi bohonŋi 12-13

¹ O ambi sorok!

Anutunöŋ möwölöhöm gihiiga urumelenŋ könagesöurupki galöm köl eŋgiba kinjan. Nöŋön iŋini keu ölnaŋgö dop uru könömnan jöpaköm eŋgimakzal. Nanök qahöpmö, ambazip keu ölni möt kutuzei, körek yeŋön mönö mewöyök iŋini jöpaköm eŋgiba malje. Nöŋön jitŋememeya akzal aka göbuk keu eraum mötpitköra kaba kimbi ohozal.

² Keu ölnan urunine kinja aka nembuk teteköni qahö ahöm öngöma. Nöñön Buña keu mianğöra aka jöpaköm enğizal.

³ Nini keu ölni wuatangöba urunöñ jöpaköm anğuba maljin ewö, Iwi Anutu aka Iwigö Nahönñi Jisös Kraist yetkön mönö ak kómumba kalem möriam nenğiyohotka luainöñ malbin.

Urukalem aka keu ölni mi mohotnje wuatangöme.

⁴ Iwinöñ urukalemgö jöjöpañ keuñi nenğiyöhi, mianğö dowök göhö könagesöurup tosatñan keu ölnangö dop ahakmemenini aka memba malje. Nöñön silikñini mewöñi ekiga sösöngai ketañi ak niñgimakza. Mewö.

⁵ *O wölböt alani ambi ketañi, nalö kewöñe jöjöpañ keu ohom gihizali, mi keu dölökñi qahö. Keu könakönahineyök könahiba mörini, nöñön mönö keu mi kunbuk ohoba kewö qesim gihizal: Nini mönö uruninan jöpaköm anğuba malbin.

⁶ Jöpaköm anğuba malbingö keuñi jizali, mianğö ölni kewö: Nini mönö Anutugö jöjöpañ keuñi pakpak tem köla ahakmemenini ak memba malbin. Körek enön jöjöpañ keu könakönahineyök möta malgeri, mi kewö: Injini mönö uruñinan jöpaköm anğuba malme.

⁷ Isimkakalek ambazipnöñ Jisös Kraistköra kewö jim miwik-ñaimakze: “Amötqeçe Tonjan gölme azi silebuk asuhumamgö osiyök.” Mewö jim miwikñaiba tilipqilip aketka enololon asuhumakza. Ambazip isimkakalek mewöñi mi Kraistkö salupnje kinda tuarenjon ak wanğimakze.

* 1:5: Jon 13.34; 15.12, 17

Ambazip mewöŋi gwötpukŋan lök gölmenji gölmenji liliköba lan anda kaba malje.

⁸ Neŋön urugö nup meinga ölni uruŋine asuhuyöhi, mianŋön sohoba pömsöm qebapuköra mötzal. Mianŋöra isimkakalek ambazipnöŋ enololonŋ ak enŋibepuköra mönö galömnini mem anŋuba malme. Mewö malgetka uruŋinanŋö ölnan qahö sohoiga Kembunöŋ töwanini körek enŋim teköma.

⁹ Kraistnöŋ keu kusum neŋgiyöhi, kunŋan mi qahö qekötahözapmö, mi onŋita keu toroqeiga lolonqalonŋ jimakzawi, yanŋön Anutuŋi qahö. Denike yeŋön Kraistkö Buŋa keuŋe qekötahözei, yeŋön mönö Iwi aka Nahön yetpuk köhöiba malje.

¹⁰ Kunöŋ Buŋa keu jömukŋi mi qahö memba enŋörenŋ kazawi, inŋini mönö yanŋö jölöŋi kude jiba miriŋine kude örögetka öŋgöma.

¹¹ Kunŋan yanŋö jölöŋi jimawi, yanŋön mönö bölönamŋanŋö lömbötŋi öröi qakŋe öŋgöiga öröröŋ bisimahot. Mewö.

Keu teteköŋi

¹² Nöŋön enŋöra keu sehisehiŋi ohomamgö sihimŋi mötzalmö, mi papia sinŋe inŋknöŋ ohomamgö qahö möta mosötzal. Enŋörenŋ kusak kaba mesohol köla keu eraum mötpingö mamböta jörömqöröm akzal. Aitonŋöbini, nalö miangörenŋ köisirik tata eraum möta sösöŋgainini körek ahum teköba urunini kokolak qeiga malbingö mötzal.

¹³ Anutuŋöŋ ambi alagi galöm nupköra möwölöhöyöhi, ambi sorok yanŋö könagesöurupŋan yaizökzökŋini algetka göhörenŋ kaza.

Burum-Mindik Bible
The New Testament and portions of the Old Testament
in the Somba-Siawari language of Papua New Guinea,
also called the Burum Mindik language.
Sampela hap Buk Baibel long tokples Burum Mindik
long Niugini

Copyright © 1992, 2002 The Bible Society of Papua New Guinea

Language: Burum-Mindik or Somba-Siawari (Somba-Siawari or Burum-Mindik)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-22

PDF generated using Haiola and XeLaTeX on 18 Apr 2025 from source files dated 31 Aug 2023

c0871260-68cc-5a50-953f-52200e105d1e